

ويش أسوي؟!؟

ويش اسوي لا طريق ولاخوي
لا قرار ولا خيار ولا مصير
الليالي تلوي ذراعي لوي
والرفيق السيف يغريه الجفير
والضياع بسكتي يدوي دوي
اتصفق لا سراب ولا غدير
أطوي الظلما وعيت تنطوي
واشتهيت الشوف بعيون الضير
مثل طير طاح بيدين بدوي
يلعن الطيحة ولا يقوى المطير
كل يوم أقول باكر تستوي
وخاب ظني بالزمان وبالنصير
كنت انا الصدر الحنون المحتوي
وكنت انا ل.. احساسهم سلك الحرير
وصرت انا هاك النحيل المنطوي
تلهث انفاسي ورا حلم كبير
ضاعت الحيلات حيل الله قوي
لاني الأول ولا اظن الأخير
قلت با صرخ وآخر علاجي كوي
وصلت الحلقوم والخاطر كسير
من شرب من كف غيره ما روي
لعنبو كف على المده قصير
لاتعاتب ويش اسوي ياخوي
لاقرار ولا خيار ولا مصير

مساعدة الرشيدية

